



**Eurofedop Seminar**  
**Western Balkans on their way to Europe**  
**EUROFEDOP Liaison Office**  
**“Fischerstiege 9, 1010 Vienna (Austria)”**

---

**Sastanak sa komesarom Johanes Hanom**  
**Beč, 06.12.2018.godine**

Kao nastavak političkih ciljeva koje je predstavio Žan Klod Juncker u svom govoru o stanju Unije za 2017. godinu, Evropska komisija je, 6. februara 2018. godine, usvojila strategiju za „Kredibilnu perspektivu proširenja i pojačano angažovanje EU sa Zapadnim Balkanom“. Istog dana, komesar Han je održao govor u Evropskom parlamentu u kojem je izjavio da vrata Evropske unije ostaju, u principu, otvorena (zemljama Zapadnog Balkana), bez sumnje, u perspektivi do 2025. godine.

Kao predstavnik državnih službenika, ljudi koji čine da javna uprava funkcioniše, Eurofedop je želio da iskoristi austrijsko predsjedavanje Evropskom unijom da se sastane sa Johanesom Hanom, predstavnikom Austrije u Kolegijumu komesara EU i odgovornim za evropsku susjedsku politiku i pregovore o proširenju.

Johanes Han je prihvatio poziv i izrazio želju da porazgovara sa članovima naše organizacije sa Zapadnog Balkana o procesu proširenja i ulozi koju naši sindikati iz regiona mogu imati u tom procesu.

Sa strategijom proširenja koja je objavljena u februaru ove godine, Evropska komisija je postavila šest vodećih inicijativa vezanih za strategiju EU za Zapadni Balkan u pogledu članstva u EU i mi želimo da saznamo od komesara na šta se odnose te inicijative i da li, na neki način, naše organizaciju mogu imati ulogu u njima.

Štaviše, iskoristićemo priliku da komesaru predočimo probleme sa kojima se naše organizacije članice sa Zapadnog Balkana svakodnevno suočavaju u cilju zaštite prava zaposlenih u javnim službama i njihovim odnosima sa poslodavcima i vladama.

Strategija kojom Evropska komisija želi da ponudi "vjerodostojnu perspektivu proširenja" nije besplatan ručak. Ona zahtijeva ozbiljnu transformaciju kandidata za pristupanje, što



**Eurofedop Seminar**  
**Western Balkans on their way to Europe**  
**EUROFEDOP Liaison Office**  
**“Fischerstiege 9, 1010 Vienna (Austria)”**

---

podrazumijeva značajne napore na ključnim reformama uključujući vladavinu prava i temeljna prava, rješavanje problema korupcije i organizovanog kriminala, poboljšanje funkcionisanja demokratskih institucija, javne uprave i privrede, te podsticanje dobrosusjedskih odnosa i rješavanje bilateralnih sporova.

Imajući u vidu uključenost Eurofedop-a u sektor javne uprave, s posebnom pažnjom pozdravljamo važnost potrebe reforme javne uprave kao jednog od fundamenata politike proširenja. Eurofedop grupiše sindikate iz sektora javnih usluga širom Evrope, uključujući i šest zemalja Zapadnog Balkana kojima se bavi strategija proširenja (Srbija, Crna Gora, Makedonija (FYROM), Bosna i Hercegovina, Albanija, Kosovo). Naši članovi iz tih zemalja su u mogućnosti i žele da komesaru daju informacije iz prve ruke o njihovoj lokalnoj situaciji u vezi sa prethodno pomenutim ključnim reformama.

Perspektiva članstva je snažan podsticaj za demokratske i ekonomske reforme, ali i stimulans za sindikate da unaprijede svoj rad. EU pomaže zemljama Zapadnog Balkana da ispune kriterijume koji se moraju ispuniti da bi se pridružili Uniji. Većina naših organizacija članica sa Zapadnog Balkana su relativno nove organizacije koje žele da pitaju komesara o instrumentima koji su im na raspolaganju za poboljšanje njihovog rada u skladu sa standardima EU, kako bi postali djelotvorni, reprezentativni sindikati, koji rade u korist zaposlenih u javnim službama i na taj način doprinose razvoju javne uprave koja dobro funkcioniše i koja će biti od koristi cjelokupnom društvu.

Sastanak sa komesarom Hanom će biti prilika za naše organizacije članice sa Zapadnog Balkana da izraze svoje mišljenje o tome šta smatraju neophodnim uslovom za uspjeh procesa proširenja, odnosno uključivanja socijalnih partnera u pregovore o pridruživanju. Socijalni dijalog još uvijek ne funkcioniše na pravi način u zemljama Zapadnog Balkana, a u nekim zemljama se njegova korisnost, čak, osporava. Želimo da izrazimo našu zabrinutost zbog nedostatka interesa za socijalni dijalog i, zajedno sa učesnicima Konferencije na visokom nivou o Zapadnom Balkanu, održanoj u Sofiji, Bugarska, 15. maja 2018. godine, uputimo apel institucijama Evropske unije da učine da funkcionisanje socijalnog dijaloga na nacionalnom nivou bude jedan od uslova za članstvo u EU.

Naše organizacije članice će takođe iskoristiti ovu priliku da pokrenu niz pitanja koja su od posebne važnosti za njih danas. Tu je, prije svega, pojava odliva mozgova. EU se



**Eurofedop Seminar**  
**Western Balkans on their way to Europe**  
**EUROFEDOP Liaison Office**  
**“Fischerstiege 9, 1010 Vienna (Austria)”**

---

suočava sa nedostatkom zaposlenih u određenim oblastima, na primjer zdravstvenim uslugama, IT uslugama... te želimo da pitamo komesara za njegovo mišljenje o situaciji u kojoj se nedostatak kadra u jednoj zemlji rješava stvaranjem nedostatka kadra u drugoj zemlji. Druga pitanja odnose se na zarade i uslove rada, nedostatak kadra u javnim službama, atipične oblike rada, pravo na sindikalno udruživanje... Smatramo da su problemi sa kojima se suočavaju sindikati sa Zapadnog Balkana identični onima sa kojima se suočavaju i sindikati iz zemalja članica EU.